捣藻堂四庫全書

音薈

要

史部

欽定四庫全書管要史即東紀事本末卷十七

詳校官員外部臣楊世倫

(编》

日昔高帝升退時有遺篋日臨大難當發謹收藏奉先 欲自殺翰林院編修程濟曰不如出亡少監王銭跪進 飲定四庫全書替要巻ハ千八百二十九 之左羣臣齊言急出之俄而另一紅篋至四圍俱同 明史紀事本末卷十七 四年夏六月乙五帝知金川門失守長吁東西走 建文遜國 明史紀事本未 浙江提學愈事谷應泰編

疑亦祝髮各易衣披牒在殿凡五六十人痛哭仆地俱 應文從思門出餘從水関御溝而行海落會於神樂觀 失隨亡帝曰多人不能無生得失有等任事著名勢必 之西房帝曰數也程濟即為帝祝髮具王教授楊應能 能一名應賢袈裟帽鞋剃刀俱備白金十錠朱書篋內 馬氏赴火死程濟碎篋得度牒三張一名應文一名應 以鐵二鎖亦灌鐵帝見而大働急命舉火焚大內皇后 祝髮隨亡監察御史葉希賢毅然日臣名賢應賢無

鉑

定匹庫全書

卷十

究語有等妻子在任心必紫繁宜各從便御史曾屬部 從帝至鬼門而一舟儀岸為神樂觀道士王昇見帝叩 廖平襄陽人刑部侍郎金焦貴池人編修趙天泰三原 楊應能葉希賢等十三人同至共二十二人兵部侍郎 臣至此耳乃乗舟至太平門昇導至觀已海暮矣俄而 頭稱萬歲日臣固知陛下之來也疇昔萬皇帝見夢令 日願即以死報陛下帝麾諸臣大働引去若干人九人 人檢討程亨澤州人按察使王良祥符人參政祭運南

明之紀事本末

鉗 康人刑部即中梁田玉定海人監察御史業希賢松陽 治浦江人欽天監正王之臣襄陽人太監周恕和州人 牛景先沅人王資楊應能劉仲俱根縣人翰林待詔鄭 和臨川人郭節連州人刑部司務馮淮黃巖人所鎮撫 人程濟績點人中書舍人梁良玉梁中節俱定海人宋 拘主臣禮也諸臣立諸廖平曰諸人願隨固也但随行 徐王府賓輔史彬吴江人帝日今後但以師弟稱不处 不必多更不可多就中無家室累并有膂力足桿衛在 定匹庫全書 |

於地道士進夜饍約定左右不離者三人楊應能葉希 多不過五人餘俱遥為應援可耳帝曰良是於是環坐 肖子王之臣家世補鍋欲以作生計號老補鍋牛景先 馮淮時稱塞馬先生時稱馬翁時稱馬公時稱馬二子 賢俱稱比丘程濟稱道人往來道路給運衣食者六人 號東湖樵夫亦稱東湖主人帝曰吾今往滇南依西平 山主人時稱槎主趙天泰適衣葛即稱衣葛翁時稱天 郭節時稱雪巷後稱雪和尚宋和時稱雲門僧時稱發

侯史彬曰大家勢威耳目衆多況新主意尚未釋能無 給足備旦夕者即駐錫於兹有何不可帝曰良是於是 吴人急叩之則彬家所遣以債彬吉凶者也彬與景 行微明景先與彬步至中河橋謀所以載者有一 此可暫不可久况郊壇所在明旦必行何所之衆凝浦 更主七家廖平王良鄭治郭節王資史彬梁良王帝曰 見告不若往來名勝東西南北皆吾家也臣等中有家 江而鄭亦巨族且忠孝可居也夜分帝足脛痛度不能

定四库全書

彬家追奪且日建文皇帝聞在君家彬日無之微吗而 縣追繳革除語動至是蘇州府遣吴江縣及聲德至史 逐去者四百六十三人俱命削籍八月命禮部行文州 清遠軒眾出拜帝段題水月觀親筆篆文閱三日諸臣 葉楊牛馬宋史餘俱散走期以月終更晤取道漂陽、 | 亚迎帝且至彬家諸人聞之且悲且喜同載八人為程 至彬家相聚五日帝命歸省成祖即位編籍在任諸臣 日始至吴江之黄溪史彬家彬奉帝居所居之西偏日 明史紀事本末

定四車全書

成祖永樂元年春正月十三日建文帝至雲南永嘉寺 家適有詞其跡遂决意往滇 去次日帝同兩比丘一道人行餘俱星散時八月十 廖平家適馮雅自雲南來傳帝命止之令諸臣無煩往 安適将以明年遊天台而諸臣以帝舊約俱集於襄陽 日也帝附舟至京口過六合陸行至襄陽十月至處至 初帝期從亡臣以三月復至廖平家至是留永嘉寺頗

來各散去

晨何遽耶先是帝命從亡者俱師弟稱故彬等呼為師 帝泣曰彼方急圖我昨於西安道中見冠蓋來者瞪目 臣掃門而俟父矣即有不肅亦乞見原欲留師數月明 汝我去正為汝計對哭久之且曰此近宫闕不便彬曰 至彬及家人出拜舉酒半酣帝曰我明晨當即去彬云 視我此臣我目善之彼必有以奏也東南通臣屈指先 一年春正月建文帝離雲南由重慶抵襄陽六月入吴 月八日復至史彬家時天将暝彬家已舉火矣帝突

明史紀事本木

帝為兩浙之遊杭州計遊二十三日天台為湯計遊三 亦無害視帝衣覆敝甚固留三日命家人製布衣而去 我獲罪於神明矣諸人皆為我也 臣俱約至此然終不見時天氣寒帝返雲南固却諸臣 十九日會馬二子務山主人金焦亦來石梁間且云諸 三年春二月建文帝至重慶之大竹善慶里有杜景賢

岁白龍山 帝知之遂遁跡不出 廷俱帝甚密户科都給事胡勞訪求張三丰盖為帝也 五年冬十二月建文帝祭死難諸人自為文哭之時朝 四年夏四月建文帝至西平侯沐晟家留旬日五月結 六年夏六月白龍巷災程濟出山募革

钦定四車全書

和數往來雲貴間踪跡建文帝帝東行三月至善慶里

明史紀事本末

七年春正月命太監鄭和航海通西南諸國時胡濙

五月復至襄陽廖平家已徒蜀帝還滇 八年春三月建文帝復至華工部尚書嚴震使安南密

白龍山顏色憔悴形容枯槁夏月患痢因有戒心不能 我對日上從便臣自有處夜縊於驛亭中帝復結者於

出山寬膳狼狽殊甚適史彬程亨郭節訪至帝相對大

畅随問日汝等攜有方物否各為獻史彬獨有僮而所

獻豐且當年職居禁近知帝所好帝通嘗之日不食此

訪帝震忽與帝遇於雲南道中相對而泣帝日何以處

十年春三月應能卒四月希賢卒建文帝因納一弟子 頗佳因募建一卷名大喜 九年春有司毀養夏四月建文帝至浪穹鶴慶山其地 安居不必慮也彬等叩首領命而去後帝復舍白龍巷 屬曰今後勿再來道路阻修一難關津盤詰二難況我 已三年矣三人相留許久帝遣之歸别時痛哭失聲帝 2日華全書 明史紀事本末

渡馬續遇冠適官軍至僅免 十二年夏四月遣程濟募糧 乃反帝飲獲愈 冬十一月帝命濟録述從亡傳藏之 四年夏六月建文帝足疾發程濟乞樂於城西三日 三年秋八月建文帝遊衛山冬十月還巷 一年夏五月建文帝南行至甸六月還 冬十二月 秋九月建文帝學易數

十五年春二月史彬復至白龍故道了不見養山旁詢

一巖中帝自為叙

十六年春三月建文帝還至點 之十一月帝避囂東行至衙山 楊應能葉希賢所建者甫落成而兩人死即於黃東 忽與帝遇於鶴慶之大喜養深林密樹不下數里先是 七年夏六月建文帝始觀佛書 八蜀程濟從偏遊諸勝登我眉有詩云登高不待東 年夏六月建文帝命程濟移居華西偏

明史紀事本太

老婦則曰官司毀之矣問僧徒曰不知所之至是

翹首但見雲從故國飛 陽登晴川樓吟云江波猶湧憾林靄欲翻愁七月帝留 古詩楚歌趙舞今何在惟見寒鴉繞樹啼六月帝遊漢 一十年夏四月建文帝避嚣於養南四十里名涼泉 九年秋七月建文帝入粤遊海南諸勝十一月帝還 一年春二月建文帝入楚程濟從登章臺山賦形

帝也彬曰非也弘曰吾曾於東宫見之當吾家籍没時 祖名弘者嘉與縣史家村人也直入至堂上彬不得已 亦與坐問師何來彬未答即起趨出招彬曰此建文皇 於所居之重慶堂帝上座程濟東列彬西列彬有從叔 於旅店言及榆木川稍色喜史彬問道路起居狀答曰 非帝吾無死所矣帝實活我恩無以報彬不得已實告 近來强飯精爽倍常即同彬下江南至彬家彬其酒餚 二十二年春二月建文帝東行 冬十月與史彬相遇

明史紀事本庆

爾勿往也弘從之去十一月至寧波渡蓮花洋 自聞學還山止程濟從聞仁宗崩帝曰吾心放下矣今 回吾當具一日之積隨行居數日帝行戒彬日有叔在 日今想可老終矣弘日帝今欲何之日遊天台諸勝弘 衣食周旋險阻之間二十年來戰戰兢兢復大働働 仁宗洪熙元年春正月建文帝謁大士於潮音洞五月 即頓首堂下涕泣問向來狀帝曰頼諸從亡者給我

四月百世

後往來亦少如意也且悲且喜

宣宗宣德元年秋八月建文帝祭從亡諸臣於巷前 間物色侵 三年夏五月建文帝遊神女廟 遊歲月深山雲水月傍間吟塵心消盡無些子不受人 亂帝入蜀程濟從 冬十月宿永慶寺題詩云杖錫 四年春正月建文帝至成都再宿而去 一年春正月建文帝移居鶴慶之静室 秋 秋七月遊黄牛磯

灾旦日事至書

明史紀事本末

五月帝還浪

月南行入蜀 九月至獎阻雪 六年春二月建文帝往陝西 夏四月至延安 穹 六月至鶴慶山中 秋八月下九江 九月遊杭州吴山 冬十一月遊天 七年春正月建文帝入楚至公安 五年夏四月建文帝欲稍廣其巷程濟等出募 年春正月建文帝在赤城 夏五月至武昌

恐跡露遂有粤西之行 英宗正統元年秋八月建文帝還至滇下築情日之浪 十年春三月建文帝往粤西 三年秋七月建文帝欲往粤西不果會有弟子亡去帝 二年夏五月建文帝復遊我眉 冬十一月還至浪官 死帝悲悼久之慰勞其子倍至復為會稽之遊八月還 九年夏五月建文帝復至吴江史彬家程濟從時彬已

支皆金火必尅之行夏之時其危手帝好文章能為詩 盍為我著得死之歸妹濟拊几大呼曰大百今太歲干 歌嘗賦詩日牢落西南四十秋蕭蕭白髮已盈頭乾坤 五年春三月十三日建文帝謂程濟曰我决意東行子 有恨家何在江漢無情水自流長樂宫中雲氣散朝元 四年夏四月程濟勸建文帝還真不聽

貴州金竺長官司羅永養常題詩壁間其一日風塵

閣上雨聲收新蒲細柳年年緑野老吞聲哭未休後至

建文皇帝也瑛大駭聞之藩司因繁僧并及帝蜚章以 惟有羣爲早晚朝至是出亡蓋三十九年矣會有同寫 城今夜月六宫猶望翠華臨其二日閱罷楊嚴落懶敲 僧者竊帝詩自謂建文帝詣思恩知州岑瑛大言曰吾 款段久忘飛鳳輦袈裟新換変龍袍百官此日知何處 笑看黃屋寄團瓢南來瘴嶺千層迴北望天門萬里送 海碧雲深紫微有象星還拱玉漏無聲水自沈遥想禁 夕忽南侵天命潜移四海心鳳返丹山紅日遠龍歸滄

飲定四車全書

明史紀事本末

實御史密以聞閱吴亮老矣速事帝乃令探之建文帝 建文君生洪武十年距正統五年當六十四歲何得九 殿汝尚食食子慈棄片內於地汝手執壺據地狗的之 見亮輛日汝非吴亮耶亮日非也建文帝日吾昔御便 下錦衣獄從者十二人成邊而帝適有南歸之思白其 一歲產其狀僧實楊應祥釣州白沙里人奏上僧論 勒之僧稱年九十餘且死思葬祖父陵旁耳御史言 詔械入京師程濟從八月至全陵九月至京命御史

樹 帝既入宫宫中人皆呼為老佛以壽終葬西山不封不 程濟聞之數日今日方終臣職矣往雲南焚養散其 其踵復哭不能仰視退而自經於是迎建文帝入西內 乃云非是耶亮伏地哭建文帝左趾有黑子摩視之持 恵王居機仍殺子頹襄王居鄭終誅太叔建文之 谷應泰日聞之國君死社稷義之正也然而乗 察變忍恥圖存一旅而中興奏五年而天節反則

2

年 在 哲

明史紀事本末

倉皇出奔或亦有深意馬又况鐵函鎖神度牒剃 闋痛哭仆地者五十餘人自矢從亡者二十二士 濟稱道人是也往來道路給辦資糧者六人馬雅 於時謹侍左右者三人楊應能葉希賢稱比丘程 而廖平之議以為多人必生得失不若遥為應接 以壬午六月十三日建文獨從地道餘臣悉出水 心割漢厥有定數又非智力所移耳乃遜國之期 刀先皇所遗也龍聚帝后妖識亡周熊啄皇孫天

盆

通問是也其經由之地則自神樂觀啓行由松陵 三幸史彬之第踪跡去來何歷歷也特以年逼桑 粤中間結卷於白龍題詩於羅永兩入荆楚之鄉 然以予論之假令成皇方死沙場的帝新居該闇 復國而歸國不作君而作師雖以考終亦云而矣 偷願還骸骨岑瑛據之以聞吳亮辨其非妄夫不 而入滇南西遊重慶東到天台轉入祥符偽居西 明史紀事本京 か

郭節宗和趙天泰王之臣牛景先各諱名號潜相

金 灾匹庫全書 熟地險沐氏兵强因兹通跡之時宜申控告之義 情牽制必不能長駕遠歐經營萬里之外者而真 此時兵力贖於邊関內難伏於高照國勢危疑人 闕馬不講譬猶危禁畏職驚禽易落正所謂亡國 即襄鄧可摇一軍出漢南即長江可據孤先河水 非流藏而籍共和則東遷而依晉鄭一軍出荆門 枕席有涕泣之痕行旅多素鱧之奉而與復大計 之功馬鄧雲臺之業後輓前推匪異人任也奈何

諸臣國爾忘家捍王於艱四十餘年櫛風沐雨即 備當之時正精志消亡之日魯展喜之已衰晉銅 報而既死崦嵫侍盡尚安望其復振乎至岩從亡! 相承天定之矣而况主君已老從者凋零方險阻 無包胥之義復楚王於卸中亦有子家之忠哭昭 公於野井推此志也雖與日月爭光可也而議者 明史紀事本末

朝統瑜五紀內鮮惠懷之亂外無連管之謀嗣服

之大夫不足與言事者也泊乎正統改元帝易四

明史紀事本末卷十七 者所共睹又豈得以傳聞異辭也 疑亦依違於與國時史所書非無曲筆矣而况胡 衆蛇而不載夫隱巢之事不直序於真觀燭谷之 據成祖之實録謂建文之自焚疑一龍之未出擯 深訪仙思思擢職以及陵在西山不封不樹有目

四月白雪

定至日年 全書 之及師次金川門大内火建文帝遜去即召用孝孺不 降附請勿殺之殺之則天下讀書種子絕矣文皇首肯 日何為行日南有方孝孺者素有學行武成之日必不 欽定四庫全書管要卷八千八百三十 文皇發北平僧道行送之郊跪而密啓曰臣有所託上 明史紀事本末卷十八 壬午殉難 明史紀事本未 浙江提學愈事谷應泰編

成祖侍以不死不屈擊之獄使其徒廖鏞廖銘說之叱 肯屈信之孝孺衰經號慟闕下為鎮撫伍雲等執以獻 生好過勞苦左右授筆礼又曰詔天下非先生不可孝 自焚死孝孺日何不立成王之子文皇日國賴長君孝 日小子從予幾年所矣猶不知義之是非成祖欲草即 詔旨舉孝孺乃召出狱斬衰入見悲働微殿陛文皇 白我法周公輔成王耳孝孺曰成王安在文皇日伊 日何不立成王之弟文皇降楊勞曰此朕家事耳先

草文皇大聲日汝安能處死即死獨不顧九族乎孝孺 旁至兩耳復錮之獄大次其朋友門生每次一人輛示 曰便十族奈我何聲愈厲文皇大怒令以刀扶其口两 外孝孺懷慨就戮為絕命詞曰天降亂離兮孰知其由 臣得計分謀國用猶忠臣發憤分血淚交流以此殉 大批數字鄉筆於地且哭且罵曰死即死耳詔不可 孺孝孺不一顧乃盡殺之然後出孝孺磔之聚實門 分抑又何求嗚呼哀哉庶不我无時年四十六復記

明史紀事本木

清等妻族鄭原吉等九族既戮亦皆不從乃及朋友門 次其妻鄭氏妻與諸子皆先經死悉婚削方氏墓初籍 **德到家山士論壯之以為不愧孝孺之弟孝孺又有二** 必淚潜潜取義成仁在此間華表柱頭千載後旅魂依 孝友就發時孝孺目之淚下孝友口占一詩日阿兄何 生廖鏞林嘉猷等為一族並坐然後詔磔於市坐死者 八百七十三人謫戍絕徼死者不可勝計孝孺季弟方 炭匹 库全 · 族每建至輔以示孝孺孝孺執不從乃及母族林彦

女年俱未許被速過淮相與連袂投橋水死 部尚書鐵鉉被執至京陸見背立廷中正言不屈今

啖之問日甘否鉉屬聲曰忠臣孝子肉有何不甘遂寸 顧不可得割其耳鼻竟不肯顧熟其肉納鼓口中令

磔之至死猶喃喃罵不絕文皇乃令昇大鑊至納油數 終不可得文皇大怒令內侍用鐵棒十餘夾持之使北 斜熬之投銨屍項刻成煤炭導其屍使朝上轉展向外

面笑日爾今亦朝我耶語未畢油沸感濺起丈餘諸

一飲定四庫全書 侍手糜爛棄棒走屍仍反背如故文皇大驚說命葬之 抑諸王今復不臣我耶敬曰先帝若依敬言殿下豈得 致年三十有七父仲名年八十三母薛氏並海南安置 久之鼓同官以聞文皇曰渠竟不屈即乃赦出皆適士 子福安年十二發河池編伍康安鞍轡局充匠尋皆發 死妻楊氏并二女發教坊司楊氏病死二女終不受辱 部侍郎卓敬被執責以不迎乗與之罪日爾前日裁

變即赴京師文皇登極召迪責問迪抗聲指斥并次其 禮部尚書陳迪受建文帝命督軍儲於外過家不入聞 族没其家圖書數卷而已文皇雅聞敬名既死猶惜之 廣孝力言養虎遺患意遂決敬臨刑從容數曰變起宗 仲魏徵事敬涕泣不可文皇感其至誠猶未忍殺而姚 日國家養士三十餘年不負其君者惟卓敬耳 親暑無經畫敬死有餘罪神色自若經宿面如生誅 至此文皇怒欲殺之而憐其才且緊獄命中人風以管

中得詩云三受天皇顧命新山河帯礪此絲綸千秋公 迪此勿言謾罵不已命割鳳山等鼻舌食迪迪睡益指 左我都御史景清建文中以左都御史改北平祭議往 斷手足馬聲猶不絕至斷頸乃死 刑部尚書暴的被執抗罵不屈文皇大怒先去其齒次 斤遂凌遲死宗戚被戍者一百八十餘人迪既死衣帯 子鳳山丹山等六人同碟於市将刑鳳山呼曰父累我 明於日照徹區區不二心又有五噫歌皆悲烈云

欽

定四庫全書

命左右收之得所佩劔清知志不得遂乃起植立嫚罵 清緋衣入先是靈臺奏文曲犯帝座急色赤及是見清 恒伏利級於衣在中委蛇侍朝人疑馬八月望日早朝 · 前見文皇文皇喜日吾故人也厚遇之仍其官清自是 **着任及熊師入清知帝出亡也猶思興復能自歸附乃** 察熊即動静王當宴之清言論明與大被稱賞尋召還 衣絲疑之朝畢出御門清奮躍而前將犯獨文皇急

欴

定四車全書

扶其齒且扶且罵含血直與御袍乃命剥其皮草櫝之

明史紀事本本

青州教諭劉固者建文元年以母老乞歸清為御史移 之已而上畫寢夢清仗剱追繞御座覺日清猶為属耶 門索忽斷所械皮趨前數步為犯駕狀上大驚乃命時 械緊長安門碎碟其骨肉是夕精英迭見後駕過長安 一遇害連及固遂與弟國母來氏同日受刑於聚實門外 | 回日固受朝廷厚思以老母在未能即死别降耶後清 命亦其族籍其鄉轉相扱杂謂之爪蔓抄村里為墟有 招固因依清同居京師金川門陷固弟國勒兄出降

益怒命磔之宗族棄市者一百五十一人又九族親家 成王耳子寧手探舌血大書地上成王安在四字文皇 縛至關語不遜文皇大怒命斷其舌曰吾欲效周公輔 **創子刀連殺十餘人事聞的傑之 固子超年十五有膂力臨刑仰天一呼網索俱斷因奪** 右副都御史練子寧名安以字行被臨安衛指揮劉)親被抄没成遠方者又數百人越數年吉水錢習禮

以練氏姻族未及速既官中朝恒為鄉人所持以告學

明史紀事本京

士楊崇祭無間以聞文皇曰使子寧尚在朕固當用之 况習禮耶

兵與復被執見文皇不屈死之從兄弟敬宗宰皆死叔 兵部尚書齊泰聞建文帝遜去追至廣德欲往他郡起 水陽彦等謫戍兒南六歲給配赦還

太常卿黄子澄初執李景隆於朝請誅之不聽江淮連

拊膺恸哭日大事去矣誤薦景隆萬死不足贖建文

密使子澄召兵不及責問不屈族其家一子走易姓

封事條方畧紞死太亦死 更部尚書張統遜國後自經死侍郎毛太熊兵起數上 田經遇赦家湖廣

被收夫人并二女給配象奴夫人翁氏持致劉佯使出 志節必不辱遂招魂葬之江上明日家人報至云家已 禮部侍郎黄觀字瀾伯奉命徵兵上江諸郡奮不顧家 且行且募至安慶聞金川失守痛哭謂人日吾妻素有

市酒餚急攜二女同家屬十餘人投通濟門淮清橋下

明史紀事本末、

并連姻黨百餘人商及 得珠綠棕帽以獻命東獨象觀帽之而到於市籍其家 死觀復痛哭至李陽河聞建文帝已遜位知事不可為 乃朝服東向再拜自投羅利磯湍激處舟人急鉤之僅

善職守土義當與城存亡子澄遂去善為麾下許千户

善謝日公可去善不可去公朝臣可四往號召圖與復

文皇即位索黄子澄甚急子澄匿善所約共航海舉兵

蘇州知府姚善合鎮常嘉松四郡守練兵勤王未及戰

義同許身今君與希直同死吾忍背義獨生乎祀畢始 希直方孝孺字也乃稍稍食已而善就刑報至鉞登梦 閉目三四日求死或傳善款伏已得有鉞復瞪目曰吾 給事中與善相期許國鉞以親喪家居聞善被執鉞遂 日臣各為其主耳語多不遜遂 磔之善友黄鉞者任為 川橋西向再拜祀而哭之日吾與君同受國思國有難 知善决無二心且少俟之脫善果不死吾將下報希直 明史紀事本示

縛獻文皇話善日若一郡守乃敢舉兵抗我耶善屬整

家人歸祭具遂從容整衣冠奮身入水死時家人俱竄 君父自省多過行有志未及竟奇疾忽見纏肥甘空在 翰林修誤王叔英奉韶募兵行至廣德聞建文帝遜位 出立水中成禮葬之 伏有友楊福日夜立橋側求鐵屍不得更數日屍忽自 絕命辭藏衣間詞曰人生穹壤間忠孝貴克全嗟余事 乃相抱慟哭與泰圖後舉已知事不可為沐浴衣冠書 大働會齊泰來奔叔英日泰二心矣令執之泰告之故

一 鱼 定 匹 庫 全 書

案對之不能強意在造化神有命歸九泉當念夷與齊 久矣未有補於當時死亦徒然<u>無</u>漸於後世遂自縊 訣曰吾不可復生矣安能顏若等哉北師入城胡靖 於玄妙觀銀杏樹下夫人金氏亦自經死二女俱赴井 爾無足傳千秋史官筆慎勿稱看賢又題其案日生既 一林王民初聞北平兵起輒憂憤不食及渡淮與妻子 死首陽巔周栗豈不住所見良獨偏高蹤邈難繼偶

明史紀事本よ

靖呼日外開甚可看豬溥顏與獨日一豬不忍寧自忍 既良獨流涕不言溥曰三子受知最深事在項刻若溥 縉吳溥為良鄉人皆集溥舍縉陳說大義靖亦奮激懷 靖改名廣降於燕 平須臾艮舍哭聲動已伏鳩死矣初洪武中禮部廷試 仗義大是佳事溥曰不然獨王叔死耳語未竟隔牆聞 去就固可從容也隨别去溥子與弱尚幼歎日胡叔能 艮最優太祖以艮貌不揚易靖第一艮次之至是艮死

客於杭者遂舉火抱印闔室焚 嗟歎父之妻問故良曰吾分應死顧思所以處汝未决 誤起而奪使者去良選坐堂上悉收諸司印攜歸解舍 即列新于戸閉其家人母得出令妾抱幼子托鄉人之 台之良執使者下獄詰旦縛出期戮以狗道中忽遇衆 食抱其子歐敬于厕置子池傍自投水死良起而強之 耳妻笑曰吾何難君為男子乃為婦人謀乎遂命妄饋 浙江按察使王良聞熊師入京慟哭誓以必死會命使 妻李氏子公望日吾死勿易衣險遂自殺李氏亦自經 負立朝骨鯁之腸讀書而登進士第仕宦而至繡衣即 頃即以死報陛下文皇後以原官召不至尋如侍郎亦 御史曾鳳韶請從建文帝出心帝麾使去鳳韶泣曰臣 兵部即中譚翼金川陷赴火死妻鄒氏子謹自縊 既一死之得宜可以含笑於地下而不愧吾文天祥屬 不至乃刺血書情詞於襟上曰予生廬陵忠節之鄉索

欽

定四庫全書

失計故言無不直身女不為生死累故行無不果乃輯 為作傳語其子轅曰當時吾亦同死誰為爾父作傳聞 留書别友人付以後事具衣冠為賛緊衣帯上入應云 自古今忠節事為觀感録當金川失守官中自焚是修 衛府紀善周是修為人卓衛有大志當日忠臣不為得 · 元司事 4 書 幼孜黄淮胡儼約同死義惟是修不負其言後楊士奇 府學拜先師畢自經死初是修與楊士奇解語胡廣全 明史紀事本末

奈何徒自污遂自殺陳瑛請追罪詔誅其族同邑鄒 謂冕宜急迎附冕属聲曰使吾改臣節明君亦不用也 監察御史魏冕力請建文帝誅徐增壽及官中火起或 建文初仕周府諫王邪謀錮獄上嘉其忠召至京授御 史歸省聞晃死亦不食死時稱水豐雙烈 師陷自殺豁誅其族凡男婦四百四十八人 刑科給事中業福守金川門兵入死之 理寺丞鄭瑾與甥魏晃同殿徐增壽於朝請誅之京

台問練安方孝孺何如人端曰忠臣也文皇曰汝逃忠 大理寺丞劉端約刑部即中王高同棄官去跡露被執 户科給事中陳繼之被執責問不屈磔於市 萬皇后長女大長公主也公主臨指血作書招殷中使 手端日存身以圖報耳命與高俱則其鼻文皇笑日作 祖文皇怒立播殺之戊其家 如此面目還成人否端詈曰我猶有面目即死可見皇 尉馬都尉梅殷擁重兵淮上文皇既即位迫公主公主!

尺三日星白書 1

明史紀事本末

能平時見詞色文皇皆夜遣小中官潜入殷第祭之殷 督許成發其事文皇罪深曦二人對曰此上命也奈何 愈怒永樂二年冬都御史陳瑛言般招納亡命私匿番 馬勞苦般日勞而無功徒自愧耳文皇街之久之般不 與亡君存與存吾姑忍俟之乃還京見文皇文皇日尉 至殷得書慟哭詢建文帝所在中使日去矣殷日君亡 譚深指揮趙曦令人擠殷死笪橋下誣殷自投水死都 人與女秀才劉氏朋邪祖咒幾得罪明年冬早朝都督

明秀阿璟凝重伯温有子矣授谷王長史之國宣府建 通經書究兵各當同光連侍父入朝太祖奇之日阿璉 谷府長史劉璟誠意伯劉基仲子也自少静朴峻属博 文子也尚孝康帝長公主與弟都督職俱論死 府都督景福為指揮旗手衛魚事時尉馬都尉耿璿炳 禁定公主牽文皇衣大哭問尉馬安在文皇笑曰為公 主踪跡賊母自苦公主謹護二子乃官其子順昌為中

明史起事本末

殺臣文皇大怒立命力士持金骚落二人齒斬之益殷

大件百下獄一夕辨髮自經死 歸文皇登極環卧家不起上欲用之罪以逃叛親王逮 漳州府學教授陳思賢聞即位韶至慟哭日明倫之義 生忠良允為魏徵可也璟瞪目回爾謂我學魏徵耶吾 繫之臨别姻戚舉錢戒之日皇上神武何止唐文皇先 文初無師起環隨谷王還朝獻十六策不能用以病辭 死生之分决矣至京授以官不受對上語猶稱殿下遂 在今日遂里以不出迎率其徒伍性原陳應宗林

參軍斷事 高魏洪武十七年 雅孝行魏曾上書燕王曰 太常寺少卿盧原質少從方孝孺遊後文皇召見不屈 破縊死驛舍又有萬不危者同時死義弟宣戍南海衛 臣竊自負既為孝子當為忠臣死忠死孝臣願也京城 鄒君點曾廷瑞日賢集明倫堂為舊君位果臨如禮郡 死之族其家教授劉政聞孝孺死痛哭不食斃 人執送京師思賢與六生皆死之

刑部右侍郎胡子昭坐方黨受戮臨刑詩曰兩間正氣

月とこちいし

一欽定四庫全書 軸莫教鐵騎過天河関中事業蕭丞相塞上功熟馬伏 波老我不才無補報西風一度一悲歌文皇登極大方 難竟棄去莫知所終 歸泉壤一點丹心在帝鄉弟魚事子義聞子的死群世 右副都御史茅大方聞熊王兵起遗詩淮南守將梅殷 日幽熊消息近如何聞道將軍志不磨縱有火龍翻地 丹稜蜀獻王聞而憐之令為僧子義以親遺體辭有子 二人数歲子義曰吾兄無後天不絕吾姓二子當免於

高翔旨衰經至哭聲徹殿陸文皇召閏先入諭令更服 **僉都御史司中召見不屈命以鐵帚刷其膚肉至盡而** 添生歸生死獄中妻張氏發教坊病死命棄其屍 又請誅徐增壽遜國後文皇召方孝孺草詔繼召閏及 監察御史鄭公智坐方黨召見不屈死之成其族 **死姻姫同死者八十餘** /至責問不屈與其子順童道壽文生同日棄市二孫 理寺少卿胡聞字松友日夜與齊黃密謀設法防禦

明史紀事本末

鑫水浸脫其皮剝之實以草懸武功坊子傳慶同日論 士以瓜落其齒齒盡罵聲不絕文皇大怒縊殺之以灰 関曰死即死服不可更文皇以族誅恐之間不屈命力 **被諸死事者苗裔都奴得同女輩行丏歸都陽貧無所** 日以灰污面禿垢二十餘年功臣不以人畜之洪熙初 年四歲其母王氏縛就刑都奴自懷中墮地一卒提入 功臣家付爨下婢收之稍長識大義髮至寸即自截去 死傳福方六歲戍雲南抄提全家二百十七人女郡奴

定匹庫全書 |

監察御史高翔在建文時戮力戎事激發忠義文皇聞 戍邊又發其先墓雜大馬骨焚灰揚之而以其地為漏 誅族諸給高氏産者皆加稅日令世世罵翔也親戚悉 翔名召之翔持喪服入見大哭語不遜乃命殺之沒産 死而已年五十六終尚處子也鄉人諡曰忠清貞姑 八憐之日此忠臣女也爭饋遺不絕郡奴所受免

刑部尚書侯泰督的至淮安聞京師失守泰行至高那

明史紀事本末

All of the 12 for the 120

他奏二子於山間毀戴族譜獨身留家及沒者至 左拾遺戴德奏被執責問不屈死之德奏死時有兄俱 從京師嫂項氏家居聞變度禍且赤族令盡室逃并藏 被執下錦衣衛泰不屈死之妻曾氏配象奴弟敬祖子 廣西三女給配 所得械項氏焚炙遍體焦爛竟無一言戴族遂全 部侍郎郭任不屈死之子經亦坐死少子金山保戍

執至京際於市子禮益坐死籍産族誅親戚莊毅行 太常少御廖昇聞好婦使燕軍還具 御史連楹立金川門下自馬首數文皇詞色不屈命 百餘家皆遠戍 水州太守楊任與黃子澄謀求舊君以圖大舉事以 引頸受刃白氣冲天尸僵立不仆 部侍即盧迴不屈縛就刑長謳而死聞者悲之 部侍郎黄魁不屈死之 痛哭與家人

月と己事にも

ナセ

一飲定四庫全書 缺自益死 監察御史甘霖被執抗言求死從容就戮子孫相戒不 監察御史董鏞會諸御史中有氣節者於鋪所相誓以 監察御史王度奉教勞軍徐州比還鳳陽失守方孝孺 遜論死誅其族 與度書誓死社稷壬午秋坐黨成賀縣干户所以語 死後被執論死女發教坊姻族死成者二百三十人

監察御史丁志方熊兵逼京城謂妻韓氏曰師至城必 臣盡孝為子二端於我歸於一所 赞云捐生固殞弗事二主别父與兄忍働肝腑盡忠為 克吾惟一死報國汝其攜幼子潜歸撫之以延丁氏後 兵廣德力屈自經妻宋氏繁獄亦自經死 御史林英刻李景隆誤國商知瑞安賜還同王叔英草 晉府長史龍鐔被執不屈死之有次其遺骨得所自書 及兵人被執不屈死之

宗人府經歷宋徵當上疏請削罪宗屬籍數言李景隆 史程通善當共上防禦策論死籍其家 該州知府黄希范聞金川門失守素服不治事坐與長 失律懷二心被執責問不屈遂傑之誅其族 賓州知州蔡運有善政遜國後論死百姓憐而思之 械通論死家人戍遼簿録其家得遺書數百卷而已 遼王通輒辱之文皇即位綱乗問言通有封事指斤遂 遼府長史程通上防禦然兵数千言衛士紀網者方幸

欽定四庫全書

哭其夫則走山谷中大號不欲聞之姑也官有聞其 者欲委禽馬既而聞其事曰節孝婦也我何忍犯之皆 妻范為管地葬之范年二十有姿色居貧奉姑甚謹每 不為叛逆之人在舟中日夜泣不輟竟不食而死母韓 ,衛福在録中挈母妻行仰天哭曰吾雖一介賤卒義 **書舍人何申奉使至四川至峽口聞金川不守慟哭** 明史紀事本末

熊山衛卒儲福建文末攜母妻逃去文皇即位録成卒

屈榜振名數其罪殺之該其族牛景先聞金川失守學 姓名出走已而治齊黃黨遠景先妻妾發教坊司振景 盧振當熊兵起時與徐輝祖攻守力為多後逮至京不 有異謀遠珠滴廣西遜國後瑛召還窮治建文諸臣宗 吐血不數日死 北平按察负事湯宗上言按察使陳瑛密受王府金

帝論死并速從子貴池典史金蘭等繁獄 本立悲情自縊死的奪其恩典籍其家止敝衣數襲而 愈都御史程本立出為江西副使未及行值北師渡江 國子監博士黃彦清在駙馬都尉檢殷軍中私益建文 日吾王蠋耳何以官為不屈死 户科給事中韓永遜國後杜門不出召入見欲復其官 明史紀事本末

監察御史巨敬被執不屈死之誅其族

給事中襲泰北兵渡江奉命巡城泰與妻傅氏缺日國 皆表賀法不肯署名尋被速升過安慶投江死 指揮張安被執道亡隱於樂清以樵為業人莫知其姓 俄宫中火起泰馳赴為兵校所執見文皇金川門以非 奸籍得釋自投城下死 事至此我自分必死爾弟攜幼稱歸否則俱溺并無辱 四川都司斷事方法為方孝孺所取士文皇即位諸司

氏自山採樵歸聞京師陷卓侍郎被殺呼天號哭曰國

矣無能為也余職非司馬既不能率師應敵又不能屈 工部侍郎張安國當燕兵逼京師與妻賈氏日大事去 既就篡我不願為其民遂棄柴投水死

膝事人奈何賈氏日盍隱諸安國曰然乃與其妻乗舟

入太湖忽聞人說京師陷皇帝自焚安國大慟與妻日

食人之禄而存身於新主之世恥莫大馬乃鑿其舟以

知府禁仲惠以修高帝實録指斥熊師為逆黨論死籍

明史紀事本末

刑部主事徐子權聞練子寧死慟哭賦詩有翹首謝京 定四库全書

國飛魂返故鄉之句自經死

神策衛經歷周璿建文時言事擢愈都御史遜國後建

至京不屈死妻王氏子蠻兒繁微

御史謝昇建文時給兵飼有功後不屈死父旺子咬住

成金盛妻韓氏四女發教坊司

松江同知周繼瑜募戰勇入援文皇即位械至京不屈

給事中張彦方改樂平知縣勤王詔下彦方糾義起兵 之清白堂後東平吏目鄭華亦不食死 子遂率所部抵江口遇燕遊兵執至樂平島其首暴屍 色響應或阻之彦方大哭日君父在水火吾可自然 《樓時暑月經旬顏面如生無一蠅集父老竊葬縣治 死妻屠氏為奴 州知府陳彦同奉命募義勇至京師赴援被擒不屈

群於市

市口不二價建文壬午秋的至臨海湖上人相率縣庭 在答曰焼宫自焚樵夫大哭遂投湖中死 聽記或歸語樵夫日新皇帝登極樵夫愕然日皇帝安 東湖樵夫不知何許人樵浙東臨海東湖上日負柴入 定四庫全書 文皇之正位金陵也宜發哀痛之言為謝過之舉 况吠克者主未必禁而詈我者節重於許乎若乃 谷應泰日聞之川澤納污瑾瑜匿瑕王者之大度 也以故什方舊怨漢帝首封射鉤小嫌齊侯不問

欽

大型 · · 募懸賞格繼且窮治黨與一士東 貞則祖免並及 其能從我游者固且厚精以電記陽事官以禮魏 孺之黨坐死者八百七十人都瑾之案誅戮者四 故態何相迫乎而文皇甫入清宫即如羅織始而 其自適逢萌之掛冠東都伯况之杜門廣武狂奴 之禍及萬家不足比也乃若受戮之最惨者方孝 假矣若或天命雖改執志彌堅亦復放還山林聽 一人属操則里落為虛雖温舒之同時五族張儉 明史此事本京

哭樵夫之自投東湖若此之傳則又未易更僕點 景清之死猶犯駕就義之最潔者教授之明倫動 者一族也又若赴義之最烈者鐵鼓之屍還反背 齊泰黄子澄魏冕王度盧元質之徒多者三族少 錦之逮姻族死成者二百三十人以及卓敬黄朝 之黨杖成者一百八十人司中之緊烟姬從死者 百四十人練子寧之獄棄市者一百五十人陳迪 十餘人胡閨之獄全家抄提者二百十七人董

灾 巴 日 車 在 益 故步闡之門皆盡機雲之種無遺世謂天道好還 死僅侍郎而建文諸臣三千同周武之心五百盡 涕者也柳子聞之蕩陰之戰血惟嵇紹靖康之禍 於厮養此忠臣義士尤所為植髮衝冠推胸而雪 女郭淮從坐之妻古者但有刑誅從無玷染而或 而人命至重遂可滅絕至此乎又況孔融覆巢之 分禄教坊給配象好薄氏承恩於織室才人下降 明史紀事本示

也嗟乎暴秦之法罪止三族强漢之律不過五宗


明史紀事本末卷十八 厚不殺大僚孫皓凶殘恒加燒鋸臣以禮使士不 蛇而文皇刑威劫人其搜捕者易於抵觸難於感 也方高皇英武在上其養育者率多直節不事委 田横之容蹈死如歸舊臂不顧者盖亦有所致此 可唇嗚呼成祖之作法涼矣 雖人心之不附亦相激而使然也至於宋朝忠

棧對官無吉

主臣趙 寅子臣張能照

金定四庫全書管要明史紀事本末卷十九至

詳校官員外部臣楊世倫



雕居上日中國之兵豈荒服報怨之具耶不許 宣慰同知各領所部居水西為貴州宣慰使隷四川其 雲南俱平乃與同知宗欽皆降上仍授靄翠宣慰使欽 十八年夏四月思州韵洞蠻作亂命信國公湯和江夏 思州宣慰使田仁智思南宣慰使田茂安暨鎮遠等府 上遣使諭友徳日前已置贵州都指揮使司然窩瑟 不盡服雖有雲南不能守也靄翠故元宣慰使已而見 湖廣普安鎮寧等州隸雲南已而露翠請兵討部落

里干户吴得率麾下馳擊之中毒弩死命左都督楊文 渠魁餘黨悉潰師還留兵鎮之 為征蠻將軍都督同知韓觀副之統京衛江湖兵往征 三十年三月古州洞蠻林寬自號小師聚衆作亂攻龍 諸洞分屯立栅與蠻民雜耕使不復疑外之以計擒其 已林寬為指揮朱俊所縛送京師 朝愈 匿退則復出割掠和等抵其地恐蠻人驚潰乃於 侯周德與從楚王楨討平之時蠻冠出没不常王師至 冬十月兵至沅州

明史紀事本末

鎮遠侯顧成奏金筑安撫司諸處土軍宜一點訓練上 成祖永樂元年春正月設普安安撫司以上目慈長為 京 攻直抵洪州泊里福禄永從諸洞大破之都督顧成亦 劉平臻部六洞螃蟹天柱天堂大坪小坪諸冠班師還 由其陽零溪西南山徑街校夜發椅角以進分道來 山開道二百里抵天柱遂涉苗境管小坪而以偏 撫賜銀印置流官隸四川布政司 三月鎮守貴州 師

謂侍臣曰漢武帝窮兵黥武以事遠方罷散中國朕無 取馬顏成老成能持重安邊非喜功好事之流以是持 以蠻人憚拘東止之已而以贵州安寧特賜成銀幣 一年二月設貴州等處承宣布政使司及思州新化

大王日 ·

瓚為左布政使初洪武中止設貴州思南州諸宣慰使

思州所轄二十二長官司思南所轄十七長官司仍設

明史紀事本末

黎平石阡思南鎮遠銅仁烏羅八府以工部侍郎將廷

妻劉氏代立劉氏多智術時馬塩以都督鎮守其地政 尚威嚴欲盡滅諸羅代以流官乃以事裸撻奢香欲激 怒諸羅為兵端諸羅果憤怒欲反劉氏聞止之為走想 云報也奢香日貴州東北有間道可通四川梗塞未治 頭曰願世世武諸羅令不敢為亂上曰此汝常職 師上召問令入官見高皇后復令折簡招奢香至詢 指揮使司鎮守其地及霧翠死妻奢香代立宋欽死 上日汝誠苦馬都督吾為汝除之然何以報我奢香

宣慰使田仁智子琛思南宣慰使田茂安子宗鼎各嗣 其罪斬之遣奢香等歸諸羅大感服為除赤水烏撒道 馬曄忠無他腸然何惜一人不以安一方也乃召睡數 立龍場九驛達蜀後安氏即霧翠後也至水樂初思州 **鼎罪狀上曰思南舊歸明王珍時汝何不取以自屬乃** 廷瓚入見上白事自言思南故思州地當歸之又數宗 立以爭沙坑故日尋兵上遣行人將廷瓚往勘之琛從

明史紀事本末

願刊山通道以給驛使往來上許之謂高皇后曰吾知

慎弗構釁啟兵端再犯吾磔汝矣琛歸與宗鼎仇殺如 告百姓故特遣使執問狀首惡既擒餘一無所問敢謹 者忽一日使出揭榜諭諸羅日朝廷以二玄日構殺茶 故屬禁之不能止至是上密遣鎮遠侯顧成率校士數 今言耶且罪惡在彼汝何與馬亟歸守爾土靖爾封疆 夏原吉等曰思州思南苦田氏久矣不可令遺孽復睡 者族諸羅帖然琛宗鼎至京師俱斬之乃命户部尚書 人潜入二境執琛宗鼎去二人既就執城中猶寂無知

瓒為左布政使以廷瓚曾勘思州事語桑情也 寧興隆烏撒威清十五衛普市千户所皆屬馬改將廷 新添平越龍里都匀畢節安莊清平平壩安南赤水水 四年設貴州提刑按察司户部刑部各增貴州一

官治貴州宣慰司本司及思州思南鎮遠石阡銅仁黎

司為思南府易置諸官僚遂設貴州布政司立三司等

為亂其易為府治改思州宣慰司為思州府思南宣

平六府普安水寧鎮寧安順四州金統安撫司及普定

其鄉貢附於雲南 若此獲效若彼盖拓疆域通文教易稱革面書載 兵越為牂牁僅附臣屬或聚干戈或通壁幣用力 潘保不失禮貽憂邊吏點遂無日通上國矣洪武 **桑塞無宛馬邛竹動中國愛慕而其君長世樂奉** 頑民帝王若斯之難也貴州西接真蜀東連判學 谷應泰日秦皇開邊桂林象郡旋沒尉氏武帝窮 地齒神州久淪荒服特以其地皆毒霧瘴山蠻峒

蒙功高博望彼地有此異人山川豈能再阻蠻方 險死立誓河山開赤水之道通龍場之驛智溢唐 赴闕兩女子觀變決機勇於丈夫甚至入見高皇 **徼漸染華風朝鮮將開乃來箕子勾吴當治始有** 耶永樂中二田復自相及殺金雞命使特遣解紛 姬雅者與乃宗欽妻之乗問奔朝安奢香之聞呼 后使高帝竟斬馬都督蒲伏掖門瞻仰天日指陳 初湯信國使之民蠻雜耕兵奏互習豈非天啓荒 明史紀事本末

欽 定 四庫全書 數革置有時手而顧成以校士數人入執二田繁 翠華臨軒親承戒諭猶復怙終不遷攻殺如故夫 也二田授首處分郡縣為布政司者一為府者六 都善捕使中宵天子神靈兵威不測斯為至矣 聞人侵逼南粤歸漢延陀攻殺敕勒入唐廢與有 亦夜即恃遠子閱負險抑或天誘其東折入中 機車寂無知者比之介子樓蘭新頭酒後班超 一時掩襲虎穴得子實乃二祖英武先聲奪人

遺鉄之失自古開疆廓字又未有若斯之易者也 馬 **暑地者不知化俗詩曰日闢國百里伊惟二祖有** 然則天馬蒲桃志寶物者不知器地樓船横海志 附麗皇與矣國家無斗栗介士之勞邊臣無亡矢 省嚴然進明堂分符瑞受冠帶祠春秋風肩內地 為州者四為安撫司者一為衛者十五而點中 明 史紀事本末

一盆定匹库全書 明史紀事本末卷十九 卷十九

欽定四庫全書舊要卷八千八百三十二 定以大寧故地界三衛大寧故烏蘭和地也在烏龍江 成祖永樂元年三月改北平行都司為大寧都司徒保 南漁陽塞北春秋時為山戎秦時為遼西北境漢為至 所據後魏韓庫莫奚服屬契丹唐為奚契丹元為大寧 明史紀事本末卷二十 設立三衛 明史纪事本末 浙江提學愈事谷應泰編

一節定匹庫全書 寧渡遼河至白雲山為泰寧自黃泥窪通瀋陽鐵嶺至 鳥蘭和為三衛處降人而以阿北實理等為三衛指揮 路洪武中元兵通沙漠屢侵之乞降萬皇帝割錦義建 使同知自大寧前抵喜峰近宣府日圖延自錦義歷廣 大寧寬河會州富峪四城卒破降納喝楚二十二年封 利諸州隸遼東而於古會州大寧地北設北平行都司 王時宗國公馮勝征納噶楚據大寧塞列戍控制遂築 領與營等二十餘衛所十四年封皇子權於大寧為寧

在遼東防其變也後竟叛去附於元熊王起兵從劉家 差約以為外藩居則負探警則捍衛歲給牛具種布帛 地界烏蘭和使仍為三衛其官都督至指揮千百户有 府幾三千里大寧既棄天壽山與異域為鄰而宣府遼 王與其軍內地盡拔降騎還北平從戰有功遂以三衛 口徑趨大寧不數日奄至寧王猝出不意降熊王乃移 開原曰福餘惟圖延最强其貢路入自喜奉口而市則 酒食良厚此棄大寧設三衛之始也三衛自遼審抵宣

中屯衛於平谷前屯衛於香河後屯衛於三河衛設左 東斷左右臂乃調管州左屯衛於順義右屯衛於前州 圖延常與西合為中國膏肓之患則皆三衛為之鄉導 右中前後五所仍隸大寧都司復設東勝中前後三所 二十年秋七月上親征烏魯公旋師討烏蘭和大破之 千户於懷仁等處守備然諸部落已列我門庭矣亡何 一衛復叛附阿魯公終明之世泰寧福餘常與東合而

定四庫全書

瞭望見其衆復聚遂張左右翼嚴陳夾攻命吏士持神 其西師次屈裂兒河烏蘭和驅衆數萬西奔陷澤中上 會益敢為悖逆以烏蘭和為之羽翼也當分兵剪之遂 壁騎兵前擊之斬級數百遂自相踩籍死無第上垂高 簡步騎數萬分五道往而身率鄭亨辞禄等将大軍邀 附為曆益出没塞下至是上北征旋師召諭諸将曰為 雅實理所發掠我邊卒上遣使諭之納馬贖罪然時

明史紀事本末

永樂初福餘衛請職馬令於廣寧開原互市尋三衛為

至寬河大破之宣德初圖延衛指揮哈剌哈孫等朝貢 大寧經會州將及寬河諸將請益徵兵上回孽冠無能 機弩伏深林戒冠至乃發項冠騎突而左左師馳之走 歷諸關塞駐蹕石門驛守將奏烏蘭和萬衆盜邊已入 宣宗宣德三年九月烏蘭和犯大寧上親征出喜奉口 自是三衛稍創 林中中伏驚潰死傷暴盡追奔三十餘里湯其巢而還 不至武進伯朱榮鎮遼東請掩擊之上不許至是上親

前鋒殪三人飛矢雨集神機銃叠發冠不能當大潰走 障卒遂悉衆前上塵鐵騎分兩翼進夾攻之上親射其 為也但謂吾邊無備故來若知朕在此當驚駭走矣今 馳四十里昧與至寬河距其營二十里冠望見以為乗 親征簡士三千人人二騎持十日糧夜街枚出喜奉口 未必足用上日兵在精不在多三千足辨擒賊遂決策 機朕以鐵騎三千先進出其不意擒之必矣或言三千一 出喜奉口路隘且險單騎可行若候諸軍並進恐緩事

明史紀事本末

平衛守之置驛八東日凉亭泥河賽奉黃崖四驛接大 窮搜窟穴忠勇王金忠故鞋靼名王子也及其甥都督 宜推誠待人漢用金日磾庸不足法即遂班師 五年徒開平衛於獨石洪武初李文忠克元上都設開 巴公果大克獲歸上飲以金爵遂報賜顧謂侍臣王者 巴岱請自劾上許之或密言忠往不反矣上不聽忠與 上以數百騎直前冠望見黃龍旗知上親在也大驚悉 下馬羅拜請降皆生縛之斬其渠駐肆寬河分命諸將

英宗正統二年十二月福餘等衛阿魯瓜等以五百騎 斗絕益騷然矣 間大寧既棄而開平勢孤難守至是遂城獨石徒開平 是諮獨三衛罪予自新以泰寧衛印沒於冠更給烏蘭 衛於此棄地盖三百里自是盡失龍岡樂河之險邊陲 和遂駐牧遼東塞 九年夏四月馬剌托歡攻馬雪公殺之因通馬蘭和先

明史心事本文

寧古北口西日桓州威鹵明安隰寧四驛接獨石永樂

通鳥蘭和潜伺屬諭不悛至是復諭都指揮安出等縛 四年夏六月福餘衛都指揮達圖等數言賣簿互市失 等奪所掠命集馬蘭和貢使侵之市進洪都指揮同知 弘 歲徵馬三千匹贖罪爾便首聽命朕實爾寬而妄意! 初正統元年福餘衛失印更給如泰寧例而托數遣使 掠段州獨石守将楊洪遮擊西京亭生擒百户伊蘇瑪爾 利非永樂時比上因使者還數曰文皇帝以爾通為雪

新定四庫全書 J

戍卒又掠牛心山 六年冬十月左祭將黃直巡邊至閔安山值烏蘭和三 岔口值烏蘭和五百騎擊敗之射死十二人擒三人 至是被擒磔於市尋復以遊騎犯密雲打頭崖塞射傷 百餘騎擊敗之福餘衛托呼齊完哈等假射獵屢犯邊 年冬十月烏蘭和干騎自檀帽山犯廣寧前屯等衛 九月烏蘭和犯邊右恭將楊洪追擊於白塔兒

月乙己的人

厭是速敗也其巫圖改已而以通鳥刺罷其部落

峯口與安伯徐亨同太監曹吉祥由南路出劉家口左 守將曹義擒其將富公會三衛來朝修示之 山出所掠萬計而都督楊洪出黑山俘斬安出部各論 小與州過神樹破福餘於全寧復破泰寧圖延於虎頭 同太監但住由西北路出古北口瑜灤河渡柳河經大 都督馬該同太監劉永誠由北路出界鎮口都督陳懷 十萬分道出塞擊之朱勇同太監錢僧保由中路出喜 九年秋七月烏蘭和入冠命成國公朱勇等率諸軍二

欽定四庫全書

合土木北将命都御史鄒來學經器京東并設恭將總 烏蘭和伏騎林中義擊敗之時烏剌額森亦東侵三 十二年春正月都御史王翔同總兵曹義巡邊抵唐 乃遣使動諭之母為鳥刺誘 冠為之鄉導矣 不從額森至不能入大掠二衛人畜去其秋旋與額森 四年三月福餘泰寧共潜結額泰入冠杂顏獨扼 加秩三衛從是寢衰然怨中國益刺骨因斜額泰入

· 定日車公書 !!

樂事 的是使至伴二三人入京餘不得縣人関 己而 言三衛使產至頗為鳥刺問宜令邊臣嚴備因係上防 三岔河北故地前遼多事自此始四年兵部尚書子謹 不無心望且結婚漢北挾為重稍侵較盡没遼河東西 年復議子貢然三衛常竄名鳥刺使中窺我遇此使厚 子糧三十石未幾冠獨石先是既罷三衛互市景泰二 景帝景泰六年圖延諸衛來朝乞耕地及犁鋒種糧品 兵能圖延三衛互市

末三衛多與富則通貢使浮額隨富則使者走雲中朝 憲宗成化元年春二月富別為三衛請賣不許自景泰 泰寧衛都督金事單于特務爾乞大寧廢城及甲盾誤 額三衛異朝貢從東路喜奉口今圖延都督圖爾根等 冠邊然将葉風督兵破走之 持不可帝重絕三衛數遣譯者語大寧城逼近塞不便 廷羈縻不問至是富刺為請賞動諭四方貢使賞有成 馳獵又炎暑多生疫其甲盾須冠至乃給謀遂沮至是!

勞例無陞授不許 以三衛禮勒其渠阿實特移爾無糾圖延妄更貢道 民交易圖延衛為研特務爾因請職事兵部覆未有成 請市牛及農具塞下并乞賜蟒上諭蟒衣勿與他聽與 治的貸之 十二月泰寧衛都督劉王烏刺特務爾等 邊遣都督季鐸往諭至泰寧還兵部以奉使無狀請遠 擅易貢道希混賞朝廷照例分别又何誅馬尋復關入 二年十二月鳥刺遣使貢馬挾三衛從喜峯口入部待 炭 四 库 生 書

十四年秋七月三衛部落各請從便道入貢并求開市 孝宗弘治二年兵部尚書馬文升請修邊備先是自天 故三衛乗間挟我也盜邊吏以朝廷恩義論之 時太監汪直方與兵部侍郎馬文升爭遼東撫勒異同 宣府報敵老管今兩鎮經年不報疑彼此相通乞於團 順後富則潜通三衛屢入塞中國羈縻不絕誘致之亦 敢大為冠至是文升奏往歲三衛盗漠北馬經大同

營選馬步三千赴永平三千赴密雲防禦及會兩鎮巡

明史紀事本末

定日事全書

年冬圖延入冠先是邊軍焼荒出塞遇短騎掩殺

十七年秋七月圖延道小王子入冠大同上御媛閣召 之邊釁遂起馬文升檄守臣分據要害相機為殺仍請

聖書切責三衛頭目從之 八學士劉健等議出兵李東陽言圖延通潮河川古北

距京師一日而近宜固根本無遠出師自疲上深然

之時圖延部落益蕃屢侵盗而諸部獨呼克康以旺礼勒

特穆爾裔種最貴呼克康次子巴爾遊縣勇敢深入結婚小 武宗正德四年冬泰寧衛滿蠻率部落二萬餘欲附居 挾增貢部暫增一年不為額花當部堅請不從乃益勾 塞下避北敵令居故鎮安堡戒無旁臨其後花當部 王子為中國患滋甚 十年夏四月圖延巴爾遜自鮎魚関毀垣入馬蘭谷殺 小王子與合謀 将陳乾命都督柱勇討之巡撫順天都御史王倬謀

巴爾遜 尋亦死草列博雅子草蘭台貢馬請嗣兵部令 督花當長子革列博羅早死其次巴爾遊謀奪嫡不得 貢巴爾遜輔護言呼杜禿等去竟予巴爾遜 貢班師亡 乾罪兵部尚書王瓊持議必以巴爾遊價乾乃罷兵子 世宗嘉靖十一年十二月圖延三衛冠邊先是圖延都 何復入冠參將魏祥全軍殁終正德世不能討 日敵知吾兵屯西必東入乃命指揮葉鳳代山下敵果 人伏發敗之巴爾遜遣杜禿等來請貢且獻馬贖殺陳

定四庫全書

雲中深入太原邊吏恐謬曰山海関諸邊無做亦圖延 請陞秩御史連疏武大用請以毛伯温代大用既去諸 衛益盜邊邊人皆廢耕牧而及顏諸部日益横 人亦不許時剽掠塞下聲言結小王子入冠會俺答自 二十年秋七月革蘭台求增貢衛三百人不許請二百 果會阿堆哈理齊頻入建昌喜奉口恣殺掠革蘭台又 至是巡撫都御史王大用敬厚創圖延城其霧靈山不

明史紀事本末

轉譯部落方許貢革蘭台乃冠漁陽諸小關堡率殘破

二十三年圖延侵前州塞先是前鎮總兵都永出塞襲 無何草蘭台死子影克襲故事三衛以貢時身受職至 邊是役籍怨轉與敵合而遼東塞亦以圖延故頻邊遊 諸衛功也的補前貢失期者衛二百人 圖延别部李家莊斬四十餘級李家莊零騎居近獨石 二十六年冬十月圖延益結海西諸部出没遠東西塞 不通大部價盜馬校而善射敵追輒走險亦頗為我捍

定匹库全 書

革蘭台父子始遣人代請而影克剽悍踰於父益誘阿

特爾大人塞 咸寧侯仇鸞詞知影克實首禍欲發兵掩之何棟曰圖 也至是始設刻遠總督以兵戍之然圖延部時時犯塞 初阿特爾逼都城數言遼陽軍遼陽軍者阿特爾所呼過延 隷馬改孫禮為兵部侍郎總督前遼未幾以何棟代之 必且憑為巢穴是毀藩籬延冠以自近也上從棟言已 延犬羊也縱有反覆為患尚小若剪除圖延漢北窺除 二十九年九月始置薊遼總督以薊州保定遼東三鎮

直定四库在 ! 口踰建昌營灤河掠永平諸邑 三十六年三月土蠻達拉沁始收三衛導入薊州長林 而棟設計擒叛人哈珠爾陳通事傳首九邊

三十八年二月前州塞警自練兵議起鎮兵减什之二 春防視秋防又殺什之五以故最單弱巴圖爾辛爱

推数萬騎以同延影克為鄉導入冠總督侍郎王恰所

遣負謀皆被殺遂薄塞下好疏請接兵大學士嚴嵩

行夾冠為重欲坐麼金錢不報敵騎度樂水由潘家口

守以圖延諸衛每外通不為我用乃約諸帥同時舉烽 六月改宣大總督楊博於薊遼博聞命馳至鎮區畫戰 詔逮忬及總兵歐陽安俱論死 牽之遂不敢深入三日引去行兵尾而擊之頗有斬獲 燧揚旄纛自居庸至山海関彌漫千餘里旌旗 腔吸 不敢近塞 人大掠薊丹遣總兵馬芳等以輕兵八千夜馳出其後 定日車全書 震山谷如是者三幕北大駭以為邊兵頓增益終歲 明史紀事本末

主

衛口接師四集引還失道墜崖死者甚衆董狐狸亦革 蘭台子也時影克出義院口邊軍以火館擊之斃而子 將佟登樂卻之 穆宗隆慶元年九月圖延董狐狸糾土蠻數萬騎入思 掠通州總督侍即楊選遠論死 長早與狐狸頡頏 四十年冬十月影克糾東西數萬騎濱牆子嶺而入大 三十九年三月影克復糾巴圖爾辛愛等犯一片石參

二年夏四月以侍即譚綸為總督拜成繼光大將軍專 越習戰卒萬二千人雜教之必無成功此萬二千人者 理練兵綸上言今之策邊防者皆曰乗障夫前目見卒 後憂而時方虞其有他是尚疑臣與繼光不可信安能 敵莫如遊兵熊趙之士自邊警以來銳氣盡矣非夢吴 彼以十萬衆攻我一軍欲不破不可得也故臣以為禦 不満十萬而老弱且半散布於二千里之間畫地而子 臣與戚繼光召可立至用之可立效散之歸農可使無

終身創矣繼光亦上言邊鎮之卒壮者役於私門老弱 翳邊外之形也敵入平原利於車在近邊利於騎在邊 皆虚名耳其實無有也臣又聞薊之地有三平易交衛 僅以充伍有火器而不能用棄土著而不能練弓矢之 勝敵夫我兵素未一當敵戰而勝彼不心服再破之乃 力不强於賊而與賊共之且不知兵法長以衛短短以 內地之形也險易相半近邊之形也山谷仄隘林簿 殺長之數教練之法實用則不美觀美觀則不實用今 定匹庫全書!

邊都稍息長昻襲職為都督 增四邊備甚設而時阿特爾亦奉敖远隆慶三衛修職謹 吸易於改紋而臣擁重兵易生嫌貳請設監軍科道官 北召募得馬軍五枝步兵十枝聽臣統練方今朝議紛 山戰谷戰林戰之道惟浙兵能之臣發迹浙江思用浙 外利於步三者选用乃可制勝今邊兵惟習馬耳未閱 人以督臣使臣無掣肘虞疏上俱報可綸繼光沒隍 、願陛下更予臣浙江殺手三千鳥銃手三千更於西 明史紀事本末

馳去生縛其叔長托羈董家口品納馬鑽刀盟乃釋之 喜峯口守備為參將彈壓之 猝勒兵青山圍之孤狸以身免尋縛首 惡獻子敦始改 神宗萬歷元年董狐狸索賞喜奉口啓釁總兵戚繼光 三年二月總兵戚繼光追逐長昇墜馬幾獲之跳而免

定匹庫全書

已長托復叛合董狐狸縱掠

六年三月泰寧衛蘇巴哈犯遠東總兵李成梁直捣劈

長却勒賣阻諸部入貢遣弟蟒金率精騎

長却重狐狸三萬騎犯廣寧殺掠吏士一百二十有 擊呼係獨復貫矢中膊大哭失聲通既而已延復恰 遣李得全馳入鎮寧為內應旦日親自搏戰李寧以刀 名斬之至是報仇人犯成梁出兵黑山伴為北伐而夜 寧堡巴廷故蘇巴哈子也先是蘇巴哈入鎮奏堡李 梁遣神将李平胡逆之射蘇巴哈中脇墜馬蒼頭李 窺喜峯西掠前屯海山海一片石 年五月泰寧衛巴延巴圖糾衆呼岱等大舉攻鎮

數尺走出塞時三衛屬部八十餘種而另與董狐狸兵 莊總兵楊四畏副總兵徐從義擊卻之追至老鴉領而 最强然部落不踰萬 李平胡跳擊之會大風揚沙畫晦頃之雷雨大作水深 兵李成梁追奔太康大定堡多斬獲 二年春董狐狸犯前屯錦義備禦祖承訓擊敗之總 八月長却入

佐四月在寸

還已復糾哈巴沿等數萬騎以打姓為名圖盗邊會上

視山陵即往來紅螺山射獵調部落東西馳甚恣也然

亦以犯邊罷賞頗窘 遼河河深不能猝渡李成梁追襲之從丁字泊堡出布 三年夏四月巴延巴圖復入塞遊擊周思孝逐之走

落同姓名者非其罪願得奉撫賞長即以李成梁聲搗

羽 史 记 事本末

斬首八百級得名王扯征富則等十三人 六月董

狸率其屬三百餘叩関脫帽請甚哀言犯遠皆東西部

挑戰成梁馳之巡撫李松趨二字陣鼓行而前大敗之

一二字一字衝鋒二字繼進巴延望見兵至跳騎

免撥計來調盟石門遊擊陳愚聞給執通事張五烈等 禮部尚書子慎行主事張我續諭解之 甲復大敗去伯言痛哭曰阿父怨終不可報矣 月巴延巴圖復入塞攻鎮桑堡邊軍禦之三晝夜不解 輕騎出塞繞其後而自率兵當之夾擊大敗走 四年春正月呼瓜巴延等復斜土蠻犯前屯李成梁 八年春正月長品部落入貢奪賞會同館大譁欲殺 一夜數徒帳亦哀請款及已得無則愈驕

定四庫全書

修之長品同弟蒙勒音犯董家口 達爾罕長昂心膂也另願革二年舊賣請贖上幸許品 鎮武堡侯其深入士卒從中起循牆而進搏戰大敗之 自是稍戢 二十二年冬十二月已延復入塞總兵董一元伏精騎 一十四年冬十月福餘衛巴雅爾挾賣羅文峪拒卻之)延中流矢死 哨騎生得伏謀倫達爾罕等七人

尋以干騎突青山口連犯扒頭崖三道領並失利去

月色日日日日

一飲定四庫全書 給半賣 十二月長却求款命復圖延諸衛馬市木市 先出塞至紅草溝擊斬八十有奇吳蒙勒音代叩關 於寧前已而獐兔撥計修石門都掠車廠庄總兵尤繼 二十九年冬十月巴雅爾妻旺濟阿布該叩関求款命 督稅太監高淮在遼東聞警倉卒調兵自衛及長却退 稱斬獲功未幾長吳圍微墜馬死子拉輝岱踵即轍同 西部班不來世等萬騎犯山海関總兵姜顯謨擊之時 三十四年冬十一月撥計挾賞章子谷長品蒙勒音復勾

蒙勒音糾阿鎮等挾賞擦崖子屢 拉蒙勢孤乃屬西部雅博爾低吉請敦 長嶺山夜至哈流兔襲拱兔營大斬獲然諸部益関因 復糾察海爾岱吉等入冠連山驛總兵社松出中左所 掠曹莊寧遠參將李應選失亡官軍九十人 四十年十一月蒙拉音拉輝ば乗邊軍焼荒入圖山堡縱 三十六年冬十一月拉輝岱入建昌河流口大掠而去 、勝堡總督侍即王象乾諭諸部各聽撫專勘拉蒙

月之 日 百 本末

松擊火落赤於柳門敗之 萬騎屯玉文谷陷七臺殺千總佟修鳳等邊軍失亡五 四十六年夏四月曼岱及男琿布岱吉等睥睨石塘間 四十三年夏六月遼東邊將率兵出獵曹莊蒙 齊各授指揮愈事賜劫 四月綽琿扎薩納圖等以三 、犯殺掠五十餘人喪卒二百二十餘人 年春三月圖延衛頭目托拉福餘衛頭目呼鳴 圖延曼岱奇法薛連犯掛甲嶺麻即谷 十二月杜

金

定四庫全書

遇動邊吏疲於奔命至曼岱以一婦踯躅曹石間竟不 垂四十年而土蠻部落如虎墩綽琿九薩納圖輩東西 及高家堡頂之尋盟盖自隆慶來長却稱泉無雄塞上 可制然亦自此漸微弱不能自立矣

と日本は元

遊擊朱萬良調援遼曼公母子益恣以萬騎攻白馬関

而馬蘭亦報蒙營聲犯桃林界嶺薊鎮戒嚴未幾石塘

	1						欽定四庫全書
							(四)
火如							庫
一	ĺ	1	!				全
尹	1						書
明史紀事本末卷二十							
=							X:
1		1					巻二十二二日
	į.	,					, s
							7 3
j					-		
						1	-:
				•	1		i
					1		